



Coming soon in June 2023. NewspaperSG will be refreshed with a new look and user experience. Stay tuned!

Search Newspapers

Browse Newspapers

I am looking for



Advanced Search

Home > Berita Harian > 20 December 1965 > Page 5 > Pendapat bahawa murid2 yang lapar mundur tidak-lah benar

Pendapat bahawa murid2 yang lapar mundur tidak-lah benar

Berita Harian, 20 December 1965, Page 5

Article also available on Microfilm Reel NL4326

Scroll to Top

Previous Article

Next Article

Previous Page

Next Page

**Pendapat bahawa murid2 yang
lapar mundur tidak-lah benar
Ibu Bapa Ulu Langat
menolak kenyataan
yang di-buat oleh
guru besar sekolah**

KAJANG, Ahad

IBU bapa pelajar2 di-daerah Ulu Langat telah menafikan kenyataan yang di-buat oleh Puan A.P. Richard guru besar Sekolah Rendah Inggeris Kajang tentang banyak murid di-sini konon tidak lulus kerana kurang makan.

Puan A. P. Richard dalam ucapan-nya dalam majlis menyampaikan hadiah di-sekolah-nya pada penghujung bulan November yang lalu telah menerangkan bahawa dari 10 orang murid-nya yang mengambil peperiksaan sa-ramai lima orang tidak lulus kerana murid2 itu lapar tidak makan pagi manakala hendak bersekolah.

Dato' Dagang Darus bin Saidi ketua kampung Su-

Information



Newspaper:
Berita Harian

Date:
20 December 1965

Reel Number:
NL4326

Share



Table of Contents

< Previous

Page 5

Next >

Pendapat bahawa murid2 yang lapar mundur tidak-lah benar

Pendapat bahawa murid2 yang lapar mundur tidak-lah benar Ibu Bapa Ulu Langat menolak kenyataan yang di-

Saham2 untuk pembangunan

Saham2 untuk pembangunan mELOK ANSON, Ahad. 1 Sharikat Pembangunan Ekonomi Rakyat yang baharu

Perdana Menteri Tengku Abdul Rahman sa-bagai ketua Perikatan, sedang memberi ucapan sebelum meshuarat Majlis Kebangsaan Perikatan di-

View Full Table of Contents

ngai Ramai Kajang telah menafikan sama sekali kenyataan Puan A.P. Richard itu.

Beliau menerangkan: "Walau pun penduduk2 kampung sekarang tidak mewah kerana harga getah murah tetapi ibu bapa telah berusaha sa-daya upaya bekerja menchari nafkah untuk memberi makanan anak2-nya dan juga mengadakan buku2 pelajaran anak2-nya."

Kapada ibu bapa yang miskin tiap2 tahun telah meminta bantuan dari Jabatan Kebajikan Masyarakat untuk membeli buku anak2-nya, kata beliau.

Dato' Dagang Darus berkata lagi: "Orang2 kampung yang miskin tidak menghantar anak2-nya ka-sekolah Inggeris. Orang2 yang menghantar anak-nya ka-sekolah ini ialah orang2 yang banyak kebun getah, anak2 kerani dan orang yang makan gaji dengan kerajaan."

Tidak lojik

"Untuk mengatakan orang2 yang berkemampuan yang belajar di-sekolah Inggeris itu tidak makan sudah tentu tidak lojik. Sekolah Inggeris itu sendiri ada menyediakan asrama untuk anak orang2 kampung yang jauh dari sekolah," kata beliau lebih jauh.

Menurut Dato' Dagang Darus murid2 yang belajar di-sekolah kebangsaan di-kampong2 walau pun ibu bapa mereka miskin namun mereka maju dalam pelajaran.

Satu chuntoh ialah pada tahun 1964 sa-ramai 47 orang pelajar tingkatan tiga Sekolah Menengah Melayu Kajang mengambil pereksaan L.C.E. semuanya lulus.

Dan sa-ramai 44 orang pelajar2 itu telah mendapat grade satu dan 3 orang dapat grade tiga.

"Ibu bapa pelajar2 ini

semua-nya miskin. Pelajar2 itu kadang2 berjalan kaki berbatu2 jauh-nya ka-sekolah menengah tetapi mengapa mereka maju dalam pelajaran," dia berkata.

Rasa kesal

Dato' Darus juga kesal terhadap kenyataan Puan A.P. Richard yang menyeru Pegawai Penerangan dan ketua kampong supaya memberi kursus kepada ibu bapa tentang kemundoran pelajaran anak2 mereka.

Kursus tata ra'ayat memang di-adakan di-kampong2 untuk memberi berbagai2 penerangan kepada ibu bapa termasuk juga soal2 pelajaran, kata-nya.

Sementara itu, Inche' Karim bin Haji Busu dari Beranang pula menerangkan:

"Kemundoran pelajaran anak2 itu banyak sebab-nya.

Pelajar2 itu gagal dalam pelajaran kerana kemiskinan, kerana ibu bapa tidak mengambil perhatian tentang pelajaran anak2 mereka dan juga kechuaian guru pun menyebabkan kemundoran

murid2 itu."

Menurut Inche' Karim sa-tengah2 guru bekerja bersungguh2 untuk kemajuan pelajaran, tetapi ada juga guru2 yang bekerja untuk membeli motokar.

Sa-orang janda Che' Fatimah binti Kali Baginda menerangkan bahawa soal makan minum untuk maju mundor-nya pelajaran tiap2 sa-orang itu tidak timbul.

Maju mundor-nya sa-orang pelajar mencontohi ibu bapa mereka atau pun mencontohi guru2 mereka, kata Che Fatimah.

Menurut Che' Fatimah lagi sungguh pun dia sa-orang janda penoreh getah dan bernendatan

\$2.50 sen sa-hari tetapi dia berusaha keras untok memberi makan anak2-nya dan memebri pelajaran anak2-nya.

Tanggongan

"Ini ia-lah tanggongan sa-orang ibu," kata-nya.

"Anak2 saya sunggoh pun miskin menonggang basikal sa-jauh 12 batu ka-Sekolah Menengah Melayu Kajang tetapi mereka maju dalam pelajaran-nya dan tidak pernah ponting sekolah," kata Che Fatimah lagi.

"Barang kali anak2 yang selalu ponting sekolah itu anak yang mewah dan yang di-beri belanja sekolah berlebihan2. Kerna mewah-nya itu mereka lebeh mementingkan panggong wayang dari sekolah," tegas beliau.



PUAN RICHARD

Related Articles

No related article found.



